

佛說八大人覺經講義 (一)

寬如榮合撰

緣起

寬如寬榮，何德何能，竟承

洗塵上人殷勤相邀，屢辭不果，自愧孤陋寡聞，那堪大學講師，况高僧名德，法幢遍豎，法雨常施，佛子飽餐甘露久矣，如、榮知見有如螢光，焉比日月，慚悚何如？顧忝為佛子，當念四恩，頓忘鄙陋，勉為其難，只好隨講隨學，猶如鸚鵡學唱佛號，令聞者隨喜，永留道種而已。永明壽禪師有言曰：「凡夫地中，過雖未盡，不妨深解，說有理者，皆可信受，若不契理，雖得多言，未解權實，說則違旨。若解理者，不揀尊幼，但求道者，不得觀其種性，依法不依人，方為正軌。」如阿濕婆，因舍利弗求法，即偈答言：「我年既幼稚，學日又初淺，豈能宣至真，廣說如來藏」。舍利弗言：「可畧說其要，便說偈言：諸法因緣生，是法說因緣，是法因緣盡，大師如是說」。舍利弗一聞，即獲初果，轉教目連，再說得道，以此證知，智人求法，唯重於法，不恥下就，不同凡愚，我慢自高，雖知佛法深勝，恥不肯學，凡夫無始不能入道，多皆由此，不能求法，以迷理者，雖有世智，若不聞法，不能自悟，如華嚴經云：「佛法無人說，雖智莫能了」。猶如暗室寶，無燈不可見。今現前同學，雖皆飽學世法，已晉大專，多未聞佛法，當按部就班，先講八大人覺經，然後漸授以大乘諸經，畧示如來設教之始終，出世之本懷，佛法要義，自淺至深，自狹而廣，使初心認識，退可修身，出可利人，是為愚見如此，亦為辦佛教書院之宗旨也。茲當先述八大人覺經，以八種過量大人之覺法。去衆生八種迷倒知見，世人一向所抱之生死觀，宇宙觀，可以納諸正軌，用之闡明家庭教育，培植人生根本，推及社會教育，長養人生道德，退之可以立身齊家，進之可以福利社會，調劑宇宙，是則退藏於密，彌之六合，無所不宜。故八法如葯

，迷倒如病，依八法修持，則葯到病除，春回大地，解脫常安，衆生依法修行，則可以從凡入聖，直趣菩提也矣。

古德釋經，各出手眼，辨明玄旨，各適其適，今敬仿

天台五重玄義，以釋經題。

五重玄義者，謂釋名、顯體、明宗、辨用、教相也。

一、釋名——名從實起，因名顯實，法王說法，豈得無名，故先釋名。

二、顯體——體為名之實，名為體之資，體是天然之妙理，生佛之性源，一經之本質，故次當顯體。

三、明宗——宗為一經所尊崇修行破惑之利器。

顯體之要樞，在佛為說法之宗旨，在機為修行之宗趣。

四、辨用——明宗，顯體，所得之利益為用。

在佛為說法利生之方便，在機則依此法修行所得之功德，故須辨用。

五、教相——一代時教，按天台判有五時八教，此經歸屬何等，故須判教。

先釋名者，令知綱要。次顯體以明本質，使名實相應。三明明宗，示宗修以克理體，顯體是顯性，明宗是明修，全性起修故，有體有宗，修還契性故，宗即是體，性修不二，宗體一如。四辨用——明宗修剋體之利益。五教相，使知教綱系統之所歸屬。五玄生起如此，缺一不可。

例如椅椅釵釵是其名，名因形質而異，故先須釋名。體是椅椅釵釵之材料，如木石金瓦等，故次當顯體，宗是修造椅椅等之意旨，及工作程序，故須明宗。用是做成品物應如何實用，例如椅可開餐，或寫作，椅可坐用，釵只裝飾，盒則盛物，當視何種體質，工作粗細，適用何時何處，故須辨用。


品物尚有五重玄義，况如來說法，何可忽之，否則系統安在

，不合邏輯矣。

今初釋名分二

- 一、初揀定：諸經別名雖多，不出七種立題。
- 二、正釋

七種立題



是經以數八人大人法覺法立名
二、正釋，是經名。

佛說八大人覺經

經題為全經綱要，精義全收，茲為初心方便，簡而釋之，題中有通有別。

『佛說八大人覺』六字，是一經之別題，別在此經故，唯此經作如是名故。

『經』之一字，是通題，佛所說及佛弟子所說，一經佛印可，均名為經故。今先釋別題，次釋通題。

別題中先分釋，次合釋；分釋中，先釋文，次解義。今先釋文。

『佛』是教主。『說』佛為能說人，經是所說之法。

『八大人覺』八種過量大人之覺法，若依此八種覺法，能自覺，覺他，覺行圓滿即成佛道也。

次解義。

『佛』者，梵語具云佛陀耶，此云覺者，大覺大悟，故名為佛，不同眾生愚迷，不識覺性，隨情奔逸，迷本覺心體，雖具正因佛性，而不自知，以為無成佛可能，自卑自棄，背覺合塵

而不知返，故名眾生。佛則覺徹本覺心源，妙體全彰，稱性而起廣大妙用，普救一切眾生，同成佛道，故稱大覺世尊，是名覺者，又即如來十種通號中之三覺圓明號。三覺者：謂自覺、覺他、覺滿。

一、自覺：覺徹自性，本覺心源，生佛無二，洞達諸法實相，唯是一真，名為自覺。

二、覺他：將自覺法門，以種種方便，種種言教，覺悟一切眾生，故曰覺他。

三、覺滿：自覺已徹，覺他亦竟，覺行圓滿，故名覺滿。三覺圓成，惑盡理圓，是謂三覺圓明號。

此經前四種覺，即示自覺義。第五、第六、第七、即示覺他義。第八覺即示覺滿義。可見此經圓明三覺，示人以成佛法門也，大佛頂經云：「自覺已圓，能覺他者，如來應世」，十方如來，皆三覺圓明，故稱為佛，今別指說經主是釋迦牟尼佛。

『說』者，暢心悅懷也，佛以八音四辯，將自覺之道而覺他。暢所欲言，稱懷而說，如法華云：「諸佛世尊，唯以一大事因緣故出現於世，欲示眾生佛知見，故出現於世，欲令眾生入佛知見故，出現於世」。又明「三世古今諸佛，皆以無量無數方便，種種因緣，譬喻，言辭，而為眾生演說諸法，是法皆為一佛乘故，是諸眾生，從佛聞法，究竟皆得一切種智」，足見如來無時、無地，無不說法，凡有所說，皆悅可眾心，務令聞法者皆成佛道，是名為『說』。

『八』者，數目，即指向下八種覺法。

『大人』者，非對小名大，乃覺悟廣大妙理，能行廣大妙行，能證廣大妙果之人，故名大人，但亦有世出世間之別。

一、世間大人：如愚痴嫉妬，執邪謗正，泥小毀大者，名為小人。如民族英雄，國家偉人，古今聖王賢人，名為大人。如孟子云：「大人者，正己而物正者也」。